



CANTIC SPIRITUEL

VAR BUEZ

SANTEZ BRIGIDA,

Pehini e deus un Ilis devot e Paroz Lanvitin

Var ton : Guerz Santez Techla.

SPERET-SANTEL, illuminit va speret,
Roint din ar c'lhiraç da zisclêrya d'ar Vretonet
Ar Vuez gaer eus a Zantez Brigida,
Guir batronez ar priedou er bed-mâ.

Ezec'h, gragoez, intanvezet, bugale,
Bet attantif ha selaouit e Bue,
Ma ellimp oll gant feiz donet d'e fedi,
Hac imita ar vertuziou anezi.

A Suede voa guinidic ar Santez,
A ligne vras, hervez rapport e buez :
He zad a voa e hano mat Brigerre,
Dijentil mat demeus a vro ar Suede.

1A
E 1603
P 6 603
Cahagnet 8

Pelerin voa , nonobstant d'e galite ;
 Bet voa ive e Sant Jacqes Galice ;
 Un den devot , a govessee bep guener ,
 Gant desir bras da imita hor Zalver.

E Mam a voa eus a bep vertuz carguet ,
 Un Itron vrás , Sigridan e voa hanvet ,
 E devoa grêt ober calz a Ilisou ,
 Ha diazeet outo calz a leveou .

Pa voa e Mam sur o touguen ar Zantez ,
 Var ar mor bras en em embargas eur vech ,
 Nombr bras e zud gant an tourmant zo beuzet ,
 Ha Sigridan dre viracl so preservet .

Hac en nos-se e voe revelet dezi
 E voa Doue a voa deut d'e freservi ,
 Abalamour d'ar c'hraouadur a zougue ,
 Eur presant caër d'ar bed-oll digant Doue .

Un den devot a remerqas ar Verc'hes ,
 Var ur c'houabr pa voe ganet ar Zantez ,
 Gant sclerdet vrás , hac eur vouez a zisclérie
 Dre ar bed-oll e voa ganet en nos-se .

Tri de hepqen voe ar Zantes hep parlant ,
 Ar bêvare e parlantas distinctamant ;
 Se voa eur merq da c'houzout e voa choaset
 E renq ar Zent gant hor Zalver biniguet .

Pa voa seiz vloas e c'happarissas ar Verc'hes
 Carguet à c'bloar e tal guele ar Zantes ,

O tisq̄eus dey ar recompanç e dije,
Eur gurunen epad an eternite.

Pa voe en oad a ugent vloas , ar Zantes
E tisquezas e buez hac e santeles ,
O veza chast, fur, ha devot, ha parfet ,
O pratiqa ar vertuziou gant respet.

Ar Zantes-mâ a yas eur vech d'ar zermor ,
Gant desir bras da glêvet ar Bassion ,
Hac a velas hor Zalver qen afflijet
Evel pa vije er moment crucifiet.

Hac hi goulen , ya Jesus , oc'h en em voyela ;
Piou au hini en deus ho trêtet er guis-mâ ?
Nep am mepris o deveus ancounac'het
Eo evit o redima ez oun bet marvet.

Pelloc'h nense , pa mede er Bassion ,
Gant glac'har vrás e voa mantrēt e c'halon ;
Na elle qet e c'bontampli hep gouela ;
Nobl ha partabl , imitomp-hi er poent-mâ .

Ar seiz , en aour e laboure ar Zantes ,
Hac ar Verc'hes a ve ganti alies
E creiz an nos , hep gout da zen e save
Da adori a galon vat e Doue.

An diaoul cris un nos a deu d'e sponta ,
Cant troat , cant dorn disorm voa stag ountâ ;
Pa er guelas , e tostas d'ar grucifi ,
Hac al loen vil o tec'hel pell diouti.

Pa voa erru en cat da veza demezet,
 Evit plijout d'e zud e qemeras pried,
 Ma eureujas d'ur prinç voa hanvet Ulse,
 Un den devot, guir zervicher da Zoue.

Fur e vevent, Brigida hac e fried;
 Mes hi bepret a iê pinijen caled,
 Yun ha pedi, hac en em vortisia,
 Beva ar beorien, o guisqa hac o loja.

Oll cuzulliou an Aviel a heuille,
 Ar reglen vad d'e vugale a zisqe;
 Chagrinet ve pa deu nicun da vanqâ
 En e zever, prest e teu d'e gorija.

Eur buguel dezi eur vech a voa manqet
 D'ober ar yun eus a sant Yan beniguet,
 Ha qementse a reas poan d'e speret;
 Mes sant Yan prest dezi so apparisset.

Sant Yan o comz outi : me ê, emezâ,
 Ho sicouro bete an heur diveza,
 Evit at c'heus oc'h eus da fot hò puguel,
 M'o tifenco gant armou spirituel.

E ped danjer en em gav, c'hoas ar Verc'hez,
 P'er goulenne d'e fréservi ar Zantez;
 Pa voa e poan eus e buguel diveza,
 Pres ida vernel, e teuas d'e delivra.

Dirac an oll e teuas da douch outi :
 Courach, ya merc'h, e recompanç doc'h avi;

A so graç deoc'h accordet gant Doue,
Da zelivra ar grâgue demeus ar boan-se.

An daou bried anflammet gant graç Doue,
A yas o daou da Sant Jacques Galice,
O tont d'ar guêr e coezas clân e fried,
Mes Sant Denuez dezi so apparissct.

Hac a lavaras, rac ma er pede parset,
Voa digasset da reü yec'het d'e fried;
Ha prest goude e zint gant Doue inspiret
Da zepari Brigida hac e fried.

En eur goûent e fried en em rentas,
Nebent goude santelamant e varvas,
Hac e vadou ganti a voe partajet
D'e bugale ha d'ar bœrien ezomec.

El Leandi en em rentas ar Zantes,
Da finissa e buez gaut santeles;
Evit e peoc'h gallout ober e feden,
Hac ogmanti e foan hac e finijen.

Eur gourris reun var e c'horf paour a zougue,
Var e diou-vrec'h bep guener e tivere
Ar c'hoar bervet, o sonjal en e c'halon
Unan benac eus a boaniou ar Bassion.

Quer carguet voa eus a speret un Doue,
D'ar pennou bras eus an Ilis e scrise,
O lavaret voant gânt Doue gourdrouzet
Ober ar c'harg rac na vijent suprenet.

Pap , Rouanez , Princet hac Impalaërien ,
 Cabucinet , hac Esqeb ha Bêleyen
 A grede tout ar pez a lavare ;
 Ar Speret-Glân dre e guenou a gomze.

Inspiret e voe da vont da visita
 Ar placou sacr qent mont divar ar bed-mâ ;
 En Menez Calvar , en Rom , en Jerusalem ,
 E voe ar Zantez , hac hi cos hac ancien.

Hac hor Zalver a zisclêryas e vuez
 Er veach-se antieramant d'ar Zantez ,
 Bete meimes an nombr demeus an toliou
 A recevas en e Bassion garo.

Ar chenchamant hac ar bunionou
 Eus ar c'hériou hac eus ar rouantelezou
 A zisclêryas ar Speret-Glân d'ar Zantez ,
 Hac ar moment diveza eus e buez.

Er bloa mil tri c'chant seitec ha tri-uguent ,
 A viz gouelen an drivet deiz varnuguent ,
 E finissas ar Zantez-mâ e foanniou ,
 Da vont d'an ên da bossedi ar joayou.

Lies signou demeus e eürusdet
 Goude e maro gant an oll a voe guelet ;
 Miraclou bras a rô Doue er c'hanton
 Dre e faveur hac e intercession.

D'an dad bouzar e tigasse ar c'hlêvet ,
 Comz d'ar re yud , ha d'ar re dall ar guelet ,

Dec den maro a recevas ar vue
Dre e faveur digant an Autrou-Doue.

Ar Pab Bonifaç, daouzecvet eus a hano,
Informet mat demeus e oll miraclou,
E renq ar Zent en deus-hi canoniset
Eur bloa goude ma voe e c'horf entêret.

Sant Antonin ha calz eus a Zoctoret,
Baronius anezi o deveus bet comzet,
Abalamour d'ar revelationou
E devoa bet digant Jesus, hon Autrou.

Beza so calz demeus anezo scrifet,
Hac approuvet gant calz eus a Zoctoret;
Ar C'harninal hanvet Torquemadou
A reas approuv e revelationou.

Ar c'houentchou a reas da vatissa
A so hanvet a urz santez Brigida;
Ebars e Rom eus un habit d'ar Zantez,
E deus vertuz da zelivra ar graguez.

E Suede e honorer ar Zantez,
En Spagn, en Franç, en Allamagn, en Flandres,
Hac en Treguer bremâ eo etablisset,
E Lanvilin, en faveur ar Vretonet.

Tud dal, tud mud, tud bouzar, tud affijet,
Ezec'h, grague, qement en deus goal bried,
Deut d'ar plac-nâ gant feiz ha devotion,
Hac ho pezo soulach doeñ affliction.

Ispicial ar grague a zo goal boauniet
 O laqat bars er bed o innocentet,
 En em goestlit tout da zantez Brigida,
 Dezi ê roet ar pouvoar d'o zelivra.

Prudant eo bet hoc'h avis, Lanvilinis,
 Etablissa ar Zantes-se en hoc'h Ilis;
 Gracou Doue hac e venediction
 Dre e faveur a ogmanto er c'hanton.

Nobl ha partabl, bezit devot d'ar Zantes,
 Suppliom-p-hi da veza hon Alvocades
 Dirac Jesus hac e Vam sacr ar Verc'hes,
 Ma zaimp d'an ên da veuli Doue da james.

Orëson da Zantez Brigida.

TA D Eternel, c'houi pehini, dre meritou hor
 Zalver Jesus-Christ, en deus revelet da Zantez
 Brigida ar secrejou demeus an ênvou, grit deomp
 ai e'hraq, dre intercession ar Zantes-mâ, da bes-
 sedi assambles ganti ar memes gloar hac eurusdet
 evelti epad an eternite. *Amen.*

E Montroulez, e ti LÉDAN, e traon ru ar Vur.